



CENTRALE BANK VAN ARUBA

CANTIDAD DI PLACA DEN CIRCULACION A EXPANDE

Resumen di e Relato Mensual di mei 2021

Comunicado di Prensa¹

Desaroyo monetario

Compara cu april 2021, e cantidad di placa den circulacion a crece cu Afl. 46,8 miyon te na Afl. 4.984,5 miyon den e luna di mei 2021. Esaki a resulta for di un subida den e reserva di divisa netto (+Afl. 51,2 miyon) y un caida den reserva activo domestico netto (-Afl. 4,4 miyon).

Na mei 2021, e reserva di divisa netto a expande, esaki a wordo causa pa compra netto di divisa di Afl 226,3 miyon di publico, principalmente relaciona cu entrada for di turismo y cu transferencia netto di cuentanan den exterior di companianan local. Esaki a wordo pa un gran parti mitiga pa benta netto di divisa di Afl. 175,0 miyon na publico, primordialmente relaciona cu pago pa importacion y otro servicionan. E caida den e activo domestico netto a wordo causa pa un bahada den credito domestico (-Afl. 5,9 miyon), mientras cu transaccionnan no relata na credito a experiencia un subida (+Afl. 1,5 miyon). E caida den credito domestico a resulta for di un bahada den credito bancario na e sector priva (-Afl. 8,9 miyon) y un subida den credito bancario netto na e sector publico (-Afl. 3,0 miyon). E bahada den credito bancario na e sector priva a wordo causa pa menos credito na empresa (-Afl. 5,8 miyon), credito na consumidor (-Afl. 3,0 miyon), y hipoteca pa vivienda (-Afl. 0,2). E subida den credito bancario netto na e sector publico ta wordo atribui na menos deposito di gobierno (-Afl. 23,0 miyon) y credito bruto na gobierno (-Afl. 19,9 miyon).

Inflacion

E nivel general di prijs, cu ta wordo midi door di e indice di prijs di consumo, a registra un bahada di 0,2 porciento den e luna di mei 2021, compara cu 0,4 den april 2021. E contribuyentenan principal na e caida aki tabata e categorianan “mobilario” y “recreacion y cultura”. Pa loke ta trata e promedio anual di e tasa di inflacion, esaki a registra -2,2 porciento na mei 2021, compara cu -2,3 porciento na april 2021.

Entrada di Gobierno

Entrada total di gobierno a suma Afl. 98,8 miyon na mei 2021, cual ta Afl. 30,4 miyon mas cu e mesun luna di e aña anterior. Esaki a resulta for di un aumento den entrada di impuesto (+Afl. 31,8 miyon), y un bahada den entrada no relata na impuesto (-Afl. 1,4 miyon)

E contribuyentenan principal na e expansion den entrada di impuesto ta subidanan den impuesto riba importacion (+Afl. 8,0 miyon), e asina yama “turnover tax” (B.B.O./B.A.V.P.) (+Afl. 6,7 miyon), impuesto riba gasolin (+Afl. 2,8 miyon), impuesto riba ganashi (+Afl. 2,4 miyon) y impuesto riba alcohol (+Afl. 2,2 miyon).

E bahada den entrada no relata na impuesto a wordo causa pa un bahada den otro entrada no relata na impuesto di Afl. 1,4 miyon.

Turismo

Aruba no a ricibi turista na mei 2020, pa es motibo e cifranan pa turismo di mei 2021 a wordo compara cu e cantidad di turista cu a bishita nos isla na mei 2019. Na mei 2021, e cantidad di turista a registra 70.683 turista, cual ta 17.860 menos bishitante (-20,2 porciento) compara cu na mei 2019. E mercado Latino Americano, Norte Americano y Europeo a baha cu 6.968 bishitante (-79,7 porciento), 6.801 bishitante (-9,7 porciento), y 4.248

¹ E comunicado di prensa original na Ingles ta prevalece.

bishitante (-58,2 por ciento), respectivamente. E bahadanan a wordo causa door di menos bishante for di tur pais den cada mercado.

Banco Central di Aruba

27 juli 2021

Pa mas informacion of un analysis mas detaya, bishita nos website (www.cbaruba.org) of tuma contacto cu e Departamento di Estadistica di Banco Central di Aruba, tel. +297 5252100, e-mail statistics.department@cbaruba.org.